



Kev txhawb qhia tus cwj pwm coj los yog kev npaj los pab thaum kub ntxhov

(Behavior Intervention or Crisis Plans - Hmong Version)

Koj tus me nyuam uas muaj ib qho tsis taus ntawd puas tseem muaj tus cwj pwm coj tsis haum los yog muaj kev lwj siab nyob hauv tsev kawm ntawv thiab? Yog tias muaj, koj muaj cuab kav nrog pab neeg npaj koj tus me nyuam txoj kev kawm ntawv tus kheej (tsab IEP) los hais txog cov kev txhawb qhia no. Txoj kev npaj txhawb qhia tus cwj pwm coj haum yog kev pab cob qhia thiab txo tus me nyuam tus cwj pwm coj. Txoj kev npaj los pab thaum kub ntxhov yog npaj los daws thiab txhawb tus me nyuam rau lub caij thaum nws yuav rov ua raug nws los yog raug lwm tus nyob rau thaum nws muaj kev lwj siab los yog muaj kev coj tsis tus. Cov kev npaj los pab no yuav sib txawv thiab yog cov tseem ceeb uas yuav tau muab coj los xam xyuas thaum sam sim npaj txoj kev kawm ntawv tus kheej rau cov me nyuam muaj kev lwj siab los yog coj tsis tus.

Txoj kev npaj los txhawb qhia kom muaj tus cwj pwm coj haum yog dab tsi tiag?

Txoj kev npaj los txhawb qhia kom muaj tus cwj pwm coj haum yog ib txoj kev npaj los cob qhia sau cia nyob hauv ib tug me nyuam tsab IEP uas muaj cov zoo tswv yim los pab txo los yog ua kom txhob muaj cov cwj pwm coj tsis haum ntawd tawm los. Rau qee cov me nyuam, tej yam kev pab txhawb yooj yim xws li tshem lub rooj sau ntawv nyob hauv chav kawm xwb los tej zaum kuj yuav pab tau lawm. Rau lwm tus ces yuav tau muaj ib txoj kev npaj cov tswv yim zoo los qhia thiaj yuav daws tau qhov cwj pwm coj ntawd.

Thaum koj tus me nyuam muaj tus cwj pwm txob nws txoj kev kawm los yog txob lwm tus, tseem fwv txoj cai yeej tau teev kom pab neeg npaj tsab IEP yuav tau los xam xyuas txoj kev siv cov kev txhawb qhia tus cwj pwm coj haum, cov tswv yim, thiab cov kev pab los daws qhov teeb meem ntawd. Ib qho tseem ceeb rau pab neeg npaj tsab IEP yog yuav los xam xyuas cov hau kev los pab koj tus me nyuam kom kawm cov tswv yim coj tau haum tib yam li kev kawm tau ntawv.

Pab neeg npaj tsab IEP yog cov los npaj txoj kev txhawb qhia kom muaj tus cwj pwm coj haum uas muaj cov lus hais los ntawm:

- Tus kawm ntawv
- Cov niam txiv
- Cov kws qhia ntawv
- Lwm tus kws uas paub tus kawm ntawv zoo heev
- Cov ntaub ntawv ntsuam xyuas nyuam qhuav ua tau nrog rau kev txheeb xyuas tus cwj pwm coj uas yeej tau ua tib zoo txheeb, saib cov ntaub ntawv teev tus cwj pwm coj tshwm sim los thiab caum xyuas tias coj li cas tiag kom tau qhov paus ntsis tias yog vim li cas thiaj muaj tus cwj pwm coj no.

Yuav tsum muaj dab tsi nyob hauv txoj kev npaj los txhawb qhia tus cwj pwm coj haum?

Ib txoj kev npaj los txhawb qhia tus cwj pwm coj haum yuav tsum muaj cov kauj nruam los pab koj tus me nyuam kawm cov tswv yim coj tshiab. Txoj kev pab no yuav tsum muaj raws li hais mus no:

- Hloov qhov chaw kawm los txo kom txhob muaj cov cwj pwm coj tsis haum
- Qhia cov tswv yim coj tshiab los hloov cov cwj pwm coj tsis haum
- Qhia kom tus me nyuam xyaum coj thiab to taub cov tswv yim coj kom haum

- Yuav tsum muaj kev pab txhawb kom tus me nyuam xyaum tau cov tswv yim koj tshiab nyob hauv ntau qhov chaw hauv tsev kawm ntawv

Kej npaj los pab rau thaum kub ntxhov yog dab tsi?

Coob tus me nyuam yeej muaj cov kev npaj los pab txhawb tus cwj pwm koj nyob hauv lawv tsab IEP; qee tus me nyuam yeej tseem tau txais txiaj ntsig los ntawm txoj kev pab rau thaum kub ntxhov nyob hauv tsab IEP. Txoj kev npaj los pab rau thaum kub ntxhov yog ib txoj kev lis dej num los pab rau thaum ib tug me nyuam muaj tus cwj pwm koj yuav ua raug nws tus kheej los yog lwm tus. Txoj kev npaj los pab rau thaum kub ntxhov rau tus me nyuam no yuav tsum tsim los ntawm cov tib neeg paub txog tus me nyuam thiab lwm tus uas tau kawm los pab rau thaum muaj kev kub ntxhov. Kej npaj los pab rau thaum kub ntxhov yuav tsum tsim tshwj zias rau ib tug me nyuam twg xwb thiab pab neeg npaj no yuav tsum rov tig xyuas cov kev pab nyob hauv tsab IEP no mus tas li. Thaum npaj txoj kev pab rau thaum kub ntxhov, pab neej npaj tsab IEP yuav tsum xam xyuas tsev kawm ntawv los yog koog tsev kawm ntawv cov cai tuav thiab cov hau kev los pab tus me nyuam uas tab tom ntsib kev kub ntxhov. Muaj qee zaus, tsev kawm ntawv yuav saib tus me nyuam cov cwj pwm koj kub ntxhov no li qhov ua txhaum lawv tsab cai qhuab qhia. Yog thaum zoo li no lawm, pab neeg npaj tsab IEP yuav tsum los tham kom meej seb tus me nyuam txoj kev kub ntxhov no puas yog qhov yuav txhaum tsev kawm ntawv tsab cai qhuab qhia tiag.

Txoj kev npaj rau thaum kub ntxhov no yuav tsum muaj dab tsi nrog?

Txoj kev npaj los pab rau thaum kub ntxhov yog yuav los txheeb xyuas tus me nyuam txoj kev kub ntxhov no seb zoo li cas tiag. Txoj kev npaj no yuav tsum muaj cov kauj nruam meej pem uas tsev kawm ntawv yuav siv koj los txhawb koj tus me nyuam rau thaum nws muaj kev kub ntxhov nrog rau qhov yuav hu rau leej twg los pab, yuav lis dej num ua ke li cas nrog tus me nyuam rau thaum nws muaj kev kub ntxhov, thiab yuav paub tau li cas tias kev kub ntxhov no tsis muaj ntxiv lawm. Txoj kev npaj no tseem yuav tau txheeb hais tias thaum twg thiaj yuav tsum qhia mus rau niam thiab txiv.

Txoj kev npaj rau thaum kub ntxhov:

- Yuav koj los siv rau thaum tus me nyuam yuav ua raug tus kheej los yog raug lwm tus
- Yuav hais txog qhov yuav ua li cas rau thaum tus me nyuam npau taws heev los kub heev lawm
- Yuav muaj txoj kev txhawb los ntawm tus kws kho kev lwj siab uas tau kawm los daws tej kev npau taws li no
- Yuav pab tau heev thaum npaj tau cov zoo tswv yim los daws tau thiab muaj qhov tus me nyuam hais thiab pom zoo

Qhov npaj kom tau txoj kev txhawb qhia tus cwj pwm koj haum los yog kev pab rau thaum kub ntxhov yog ib qhov tseem ceeb ntxiv rau hauv tsab IEP rau tus me nyuam uas muaj kev lwj siab los yog muaj tus cwj pwm koj tsis haum nyob hauv tsev kawm ntawv. Yog cov niam txiv xav paub kom ntau ntxiv, thov mus saib ntxiv nyob rau:

PACER Center

8161 Normandale Boulevard
 Minneapolis, MN 55437-1044
 Tus xov tooj yog 952-838-9000
 Tus xov tooj xa ntawv yog 952-838-0199

PACER.org

Minnesota Department of Education

Compliance – Restrictive Procedures
 1500 Highway 36 West
 Roseville, MN 55113
 Tus xov tooj yog 651-582-8200

education.state.mn.us/MDE/dse/sped

Cov kev txhawb qhia tus cwj pwm koj haum thiab cov kev pab (Positive Behavior Intervention and Supports)

OSEP Technical Assistance Center
 U.S. Office of Special Education Program (OSEP)
 U.S. Department of Education
 400 Maryland Ave. SW
 Washington, D.C. 20202-7100
 Tus xov tooj yog 202-245-7459

PBIS.org